

Inatsisartuni Ilaasortaq Esmar Bergstrøm  
Demokraatit

## **Ikiuutit annertussusiisa aalajangersarneqartarnerannut tunuliaqutaasut pillugit Naalakkersuisunut allaganngorlugit apeqqutit pillugit**

12.01.2005  
J.nr. 01.20.05

Postboks 260  
3900 Nuuk  
Oq/tel +299 34 50 00  
Fax +299 32 45 47  
ilapi@gh.gl  
www.nanoq.gl

Inatsisartut suleriaasianni § 36, imm. 1 naapertorlugu allaganngorlugit apeqqutit matumuuna akineqarput.

### **Naalakkersuisunut apeqqut A: Pilersuinnermut tapiissutip nalinginnaasup annertussusilernerani tunngavik.**

- 1) *Pilersuinnermi tapiissutit nalinginnaasut, inatsisartut aningaasanut inatsisissaannut siunnersuutissatut aalajangiunneqaraangata, annertussusiliinnermi akitsuinnermilu tunngaviit suut malinneqartarpat?*

Meeqqanut nalinginnaasumik akilersuutit ingerlaavartut annertussusilerneqartarnerannut aalajangersumik tunngaviit inatsisini aalajangersagaangillat. Meeqqanut akilersuutit il.il. kiisalu meeravissiartaarnermi tapiissutit tunniunneqartarneri pillugit inatsisartut peqqussutaata allannortinneranik inatsisartut peqqussutaatigut nr. 3, 12. juni 1995-imeersukkut akitsorfiup nalaanut ingerlaannartumik iluarsisarneq atuuttoq atorunnaarsinneqarpoq taarserneqarlunilu Aningaasanut inatsisikkut aalajangersaanermik

- 2) *Pilersuinnermi tapiissutit nalinginnaasut 2006-imi qanoq annertussuseqarumaarpat, akitsueriaaseq 1994-imi atorneqalersimasoq malinneqassappat (malinneqassava)?*

Isumaginninnikkut aningaasannorlugit ikiorsiissutit atuuttut pillugit kaajallaasitani nr. 215-imi aamma 217-imi takuneqarsinnaavoq pilersuinnermi tapiissutit nalinginnaasut annertussusiat 1994-imi 8.916 kr.-iusoq. Akitsorfiup nalaani ingerlaannartumik iluarsisarnerup ingerlaannarnerata nassatarissavaa pilersuinnermi tapiissutit nalinginnaasut 10.788 kr.-inik, 21 pct.-imut naapertuuttumik, qaffasissuseqalernissaat

- 3) *Pilersuinnermi tapiissutit nalinginnaasup Danmarkimi atuuttumut naleqqiullugu assigiinngissuteqarneranut suut pissutaasimanersut paasisutigineqarsinnaappat (paasisitsissutigineqarsinnaappat)?*

Kalaallit Nunaanni nalinginnaasumik akilersuutit (tunniuttakkat) annertussusiat kalaallit

*assigalugit, annertussuseqaleraluarpata Nunap karsiata aningaasartuutaanut qanoq sunniuteqalissagalarpa ?*

Nalinginnaasumik akilersuutit ingerlaavartut ukiumut 9.096 kr.-inik annertussuseqarput Danmarkimi taamaaqatai ukiumut 12.456 kr.-iusut, akilersuutit 10.200 kr.-inik annertussuseqalernissaat aammattaaq siunnersuutigineqarpoq

Aningasanut inatsimmi konto pingaarnermi 30.10.34 Meeqqanut tapiissutit aamma meeravissartaarneq kiisalu meeqqanut inuusuttunullu ikiuunnissamut 10,6 mio. kr.-it immikkoortinneqarsimapput. Aningaasaliissutit amerlanersaat nalinginnaasumik akilersuutinut ingerlaavartunut atorneqartarput, taamaattumik akilersuutit nalinginnaasut annertussusaasa allanngortinneqarnera konto pingaarnermut 30.10.34 toqqaannartumik sunniuteqassaaq.

Isumaginninnikkut aningaasanngorlugit ikiorsiissutit ilaat akilersuutit nalinginnaasut annertussusaannut qanittumik attuumassuteqarput, taamaattumik nalinginnaasumik akilersuutit ingerlaavartut annertussusaasa allanngortinneqarnerat Aningaasanut inatsimmi kontonut allanut kiisalu kommunit aningaasartuutaannut sunniuteqassapput.

taamaattumik nalinginnaasumik akilersuutit annertussusaasa allanngortinneqarnissaannik siunnersuutip piumasarissavaa annertuumik qulaajaaneq allanngortitsinerup aningaasatigut kingunissai nalilersinnaajumallugit.

- 5) *Pilersuinermi tapiissutip Kalaallit Nunaanni atuuttup annertussusilernerata tunngavii piviusumik naalakkersuisoqarfimmiit nalilernerqarsimappat ukiuni kingullerni? Ullumikkut Kalaallit Nunaanni meeqqat inuusuttullu inuussutissaannut pilersornerannullu atugarisat eqqarsaatigissagaanni pilersuineranut aningaasartuutit annerussusiat ikiuutisiap angissusianut naleqquppa?*

Akilersuutit inatsisitigut tunngaviisa december 2004-mi misissuataarneqarneranni paasinearpoq Aningaasanut inatsimmi aalajangersaanermi 1995-imi allannguisoqareenera ilanngunneqarsimangitsaq. 2005-ip aallartinnerani Aningaasaqarnermut Ataatsimiititaliap inassuteqaateqareerneratigut nalinginnaasumik akilersuutit taaneqartup annertussusissaanut 2005-imut Aningaasanut inatsimmi tunngavissap pisariaqartinneqartup oqaasertaliussatut ilanngunneqarnissaa Naalakkersuisut akuersissutigaat. Oqaatigineqassaaq annertussutsit 1995-imiilli allanngortinneqarsimangitsut annertussutsillu taakku akilersuutit kommuninit tunniunneqarnissaannut kiisalu Nunatta Karsianit kingorna utertinneqarnissaannut tunngaviusimasut.

## **Naalakkersuisunut apeqqut B: Paaqqinninersiutit nalinginnaasut annertussusilerneranni tunngavik**

- 1) *Paaqqinninersiutit nalinginnaasut annertussusilernerata akitsorneratalu suut tunngavigai ?*

Paaqqinninersiutit nalinginnaasut annertussusilernerata tunngavii inatsisikkut aalajangersagaangillat. Paaqqinninersiutit nalinginnaasut meeqqap angerlarsimaffimmi paarineqarneranut ajunngitsorsiassatut isigineqassapput. paaqqinninersiutit ajunngitsorsiassatut taamaallaat eqqarsaataapput paaqqinnittullu meeqqamik tigumiaqarnerannut taarsiissutaassallutik, taakkulu meeqqap inuusuttuaqqalluunniit pilersornerarneranut atorneqartussaantik. Inatsisit naapertorlugit paaqqinninersiutit annertussusissaat isumaginninnikkut aningaasanngorlugit tunniuttakkat atuuttut pillugit Ilaqutariinnermut pisortaqarfiup kaajallaasitaatigut saqqummiunneqassapput.

- 2) *Paaqqinninersiutit nalinginnaasut koruuninik 4.947,00-nik qaammammut annertussuseqaleraluarpa Nunap karsiata aningaasartuutaanut qanoq sunniuteqalissagalarpa ?*

Paaqqinninersiutit nalinginnaasut kommuninit tunniunneqartarput, taamaattumik annertussusaasa allangortinneqarnerat kommuninut ataatsimoortumik tapiissutit aqqutigalugit Nunap karsianut sunniuteqassapput. Taamaattumik annertussutsip allangortinneqarnerata Nunap karsianut qanoq sunniuteqarnissaa imaaliillaannaq nalileruminaappoq.

- 3) *Nalinginnaasumik angajoqqaarsiat atugarisaat piviusumik naalackersuisoqarfimmiit ukiuni kingullerni nalilernerqarsimappat, taamaalilluni paaqqinninersiutit angissusaa naalagaaffiup ataani sullissinerup annertussusianut naleqquttuunersut uppersarneqarsinnaalissallutik imaluunniit qularnarunnaarsinneqarsinnaassallutik ?*

Paaqqinninersiutip annertussusaa isumaginninnikkut aningaasanngorlugit tunniuttakkat atuuttut pillugit kaajallaasitap iluarsaanneranut atatillugu naliliivigineqartarpoq.

### **Naalackersuisunut apeqqut C: Kaasarfimmiut atisassarsiutissallu annertussusilernerini tunngavik.**

- 1) *Kaasarfimmiut atisassarsiutissallu annertussusilernerata akitsorneratalu suut tunngavigai ?*

Kaasarfimmiut atisassarsiutissallu aalajangersarnissaannut tunngavissat inatsisikkut aalajangersagaangillat. Kaasarfimmiut atisassarsiutissallu annertussusaat tamatumani meeqqap pisariaqartitaasa iluanni naliliivigineqartarpoq.

- 2) *Kaasarfimmiut atisassarsiutissallu aningaasartassai qanga kingullermik akitsorneqarpat ?*

Kaasarfimmiut atisassarsiutissallu annertussusaat isumaginninnikkut aningaasanngorlugit tunniuttakkat atuuttut pillugit Ilaqutariinnermut Pisortaqaarfiup kaajallaasitaatigit saqqummiunneqartarput. Annertussutsit – meeqqanut inuusuttuaqqanullu ulloq unnuarlu paaqqinniffimmiittunut – kingusinnerpaamik 1. januar 1998-imi qaffanneqarput meeqqanut 16 ataallugit ukiulinnut 36 kr.-inik inuusuttuaqqanullu 16 – 18-inik ukiulinnut 42 kr.-inik. Kiisalu taakku Inatsisartut peqqussutaata nr. 1, 15. april 2003-mi akuersissutigineqarneratigit meeqqanut inuussutissarsiutigalugu paaqqinnittartuni inissinneqarsimasunut aamma atuutsinneqalerput.

- 3) *Naalackersuisunut ilaasortap kaasarfimmiut atisassarsiutissallu annertussusilernerini assigiinngissitaartumik ukioqarneq aningaasallu atugassat amerlassusaasa assigiinngissitaarneri iluaqutaasutut isigivai ?*

Annersussutsit agguataarneqarnerat eqqarsaatigalugu aqqissuussineq maannakkut atuuttoq atorluartoq nalilernerqarpoq.

Kaasarfimmiut atisassarsiutissallu annertussusilernerini assigiinngissitaartumik ukioqarneq malillugu aalajangersagaanerisa pitsaaqutai pitsaanngequtaalu meeqqat pisariaqartitaannut naleqqiunneqassapput. Kaasarfimmiut atisassarsiutissallu assigiinngissitaartumik ukioqarneq malillugu aalajangersaqqinneqarnissaasa pisariaqartippaa sukumiisumik nalilersuineq, taamaalilluni allanguinissamik siunnersuuteqartoqannginnerani aningaasatigit allaffissornikkullu kinguniusussat erseqqissisinneqarniassammata. Kaasarfimmiut atisassarsiutissallu annertussusiisa allangortinneqarnissaat ataatsimoortumik tapiissutit kommuninik isumaqatigiinniutigineqarneranni ilanngunneqartariaqassaaq.

4) Nunap karsiata aningaasartuutaanut qanoq sunniuteqalissagaluarpa kaasarfimmussat atisassarsutissallu annertussusai assigiinngissitaartumik uanga imatut isikkoqartussatut siunnersuutigigaluarukkit ?:

1. meeqqat 0-imiit 4-t tikillugit ukiullit ulloq unnuarlu 36,00 kr. qaammammut 1095,00 kr.
2. meeqqat 5-iniit 10-t tikillugit ukiullit ulloq unnuarlu 42,00 kr. qaammammut 1277,50 kr.
3. meeqqat 11-niit 14-it tikillugit ukiullit ulloq unnuarlu 50,00 kr. qaammammut 1520,83
4. meeqqat 15-iniit 18-it tikillugit ukiullit ulloq unnuarlu 66, 00 kr. qaammammut 2007,50
5. Inuit 18-it qaangerlugit ukiullit ulloq unnuarlu 75,00 kr. qaammammut 2281,25

Inatsisini takuneqarsinnaavoq kaasarfimmunut atisassarsutissanullu aningaasartuutit kommuninit aningaasartuutissaasut, taamaattumik annertussusiisa allangortinneqarnissaat ataatsimoortumik tapiissutit ukiumoortumik kommuninik isumaqatigiinniutigineqarneranni ilanngunneqartariaqassaaq.

Kaasarfimmiut atisassarsutissallu annertussusilerneru assigiinngissitaartumik ukioqarneq malillugu aalajangersagaanerisa pisariaqartippaa sukumiisumik nalilersuineq, taamaalilluni allanguinissamik siunnersuuteqartoqannginnerani aningaasatigut allaffissornikkullu kinguniussat erseqqissisinneqarniassammata. Taamatut misissueqqissaarsimaneq maannakkut pigineqanngilaq.

Kaasarfimmiut atisassarsutissallu annertussusilerneru isumaginninnikkut aningaasanngorlugit tunniuttakkanut allanut sunniuteqassaaq. Apeqqummi siunnersuutigineqartutut kaasarfimmussat atisassarsutissallu allangortinneqarnerisa 11-niit ukioqalerneru pissarsiasat pensionisialimmut aningaasat tunngaviusut qaffasinnerpaartaat 20%-imik qaangereersimassavai.

Ikinngutinnersumik inuulluaqqusillunga  
Med venlig hilsen

Aleqa Hammond  
Ilaqutariinnermut Inatsisinillu atortitsinnermut Naalakkersuisoq